

餅水齋詩集
四



水齋詩集卷十一

昭陽大淵獻

讀天台志要新刻見宋左彝助教二詩余與助教久不相聞誦詩如觀題後一首竝寄

我昨夢入天台山。山花山鳥非人間。夢中懷人私自語。恨不與君同往還。雄雞一聲了夢事。不見天台山。但見天台志。寸寸濃皴羣玉圖。行行密寫珍珠字。中有瀑布灑石梁。一縱一橫勢莫當。要得奇詩掃奇境。況是青天挂瑤鏡。再過拍手匡何處。仙人賣酒家。瓊臺百尺飛酒花。勝於粒粒餐丹砂。不知君今何以設。此想老我胸中四萬八千丈。我夢既非假。君詩亦的真。可惜當時入山去。但有阮肇無劉晨。與君一別凡幾春。思君一見當幾旬。十年各喫胡麻飯。定有桃花笑殺人。

汪十一自號翠亭錢几山取以爲圖風題一詩

種樹今無恙。誅茆最有情。兩家思舊賦。一卷讀蒼聲。標格逢人說。文章以字行。畫師工遠勢。蒼翠自然生。浙東漁者於海畔。網得大龜重六百斤。杭州破迷禪師進香普陀。以一萬錢贖歸。集僧衆昇龜上招寶山。絕頂浮巨舶。面海放之。龜迴波頰首者三而逝。

龜之藏於海者不知壽凡幾。海不知幾萬里。海水不乾龜不起。皇天鑒此久沈淪。漁父絡龜出海底。龜出

海底龜有神龜來自何處龜重六千斤或言七百不等云一顯龜龜空龜擊碧落黃泉春一笏翻身跳出蛟龍窟雨不作朱藍神不作白鷗沒魚上青松象渡河爾何不銜走泥牛月使爲一目羅則不如千絲網載龜一船運華十丈量鼓送行小海唱蛟人淚祖珍珠帳人生何處不相逢龜見漁而擒僧見龜而放僧來南海風馬牛佛香一瓣飄中流忽來眼睛鼻孔大於斗提成金網無時無踏破鉗有有時有河圖洛書天不守一萬錢六萬字龜六千斤拜其賜字字摩挲有生意險把鯨鯢京觀封焉知鵲蚌漁翁利擒龍容易縱虎難吾惟見蒼蒼之海山接龜上山璞可完掀龜入水珠可還梵音海潮音山鬼泣露紅斑斑斧柯可爛牀腳不可徙一物不容海所恥一錢不直才所使一字不識衆所指破迷不識字讀破相貝經幾爲勸學死鑿開混沌竅留取報恩子搖頭擺尾無人吞俯者靈仰者謝三足爲之貴甯爲巨鼈戴蓬山生不願河鯉登龍門三面之海一面網水到成渠葉落歸根君不見來處來從去處去我歌有句如無句來者疇有緣去者疇有權來時一去時十有二萬年法師耳鳴聲聞於天新豐美酒斗十千脫下袈裟當酒錢刀鋸無恙春無邊

春寒

今年瓦雪溜簷冰春在諸天第幾層聞道菜花先怕凍思量減我讀書燈

題昭明閣內史畫梅

黃鶴樓中笛青邱集外詩鉤簾吹數點卷袖出橫枝石是飛來者人疑夢見之分明舞鸞匣深淺掃眉時

林下風因絮。春來月似烟。客歸歸燕後。筆落落花前。高士楊无咎。仙人謝自然。孤山香火社。有此一重緣。
題梧門先生三君詠後並寄

三君者謂秀水王曇仲瞿昭文孫原湘子瀟。而謬以位附之。

祭酒善言情。以詩爲情室。祭酒善言詩。以情爲詩驛。辱寄三君詠。重煩兩客詰。詩係吳尚錦轉託邵鐵寄。至吳下。綢繆結心期。牽連作口實。孫綽旣爲冠。晉中興書於時才筆之士。綽爲之冠。王猛亦無匹。桓溫曰。江東無卿比也。豈意西崑詩。舒雅得居一。四峴酬倡集錄雅一詩。鼎以足見分。鼓以腰見陘。不知鹿雌雄。不次石甲乙。但賦懷人篇。已具相士術。此事公猶龍。其間我乃蟲。相逢苦不多。相別苦太疾。在上或三已。在下亦三黜。湖山江海間。送三子者出。墜歡杳莫追。鄙事近可述。王君著高屐。讀書不讀律。孫君曳長裾。好竿不好瑟。我擁破被眠。夢中索還筆。余作破被圖。詩先生最爲激賞。萍蹤有聚散。蘭味無疏密。龍門開鷺鷥。流景照蓬華。失足墮青雲。舉頭見紅日。高情良服膺。遠夢時造鄰。努力送飛鴻。柳絲不可攔。

陸杉石太守歸自雅州余方移具禾中旋有淮南之行寄詩爲別

唱斷驪駒過十年。阿蒙還似十年前。別離滋味中山酒。飄泊功名上水船。詩近杜陵懷舊雨。人來蜀道抵青天。東吳萬里重相訊。河塞金成各惘然。
劍南詩卷廣南裝。如此家風未可量。刀布手鈔循吏傳。烟霞肩壓舊奚囊。不妨邢尹如相避。使遂雲龍也太狂。卻趁扁舟渡江去。春來楊柳似人長。

泊舟菜花溼作

雙谿橋下暮揚舲，燈火樓臺一帶青。
繞過北門風雨急，留人殘夢菜花溼。
夜寒猶戀老羊裘，三月烟花感浪遊。
回首江南好春色，倒騎鶴背上揚州。

虎邱東山玉蘭已花，與桐門仲瞿過憩嘉賓上人禪院，記去秋山塘送別。正此數人是夜，還宿仲瞿寓樓，感作。

又向東山廟裏來，夕陽人影廟門開。
三春花事初啼鳥，半榻茶烟老辨才。
隔歲秋波孤棹遠，渡江明月一簫催。
從君百尺樓頭住，絕似生公舊講堂。

泉橋

金昌門外石欄邊，相問停機感昔賢。
童子炊烟因我熱，主人名姓以備傳。
連年米價春無廩，此地花時泊有船。
記得五噫歌最好，倩誰彈入第三弦。

癸亥花朝逢開，是日渡江抵揚州，戲爲六言

花逢閏月重好，客在扁舟未還。
酌此一江春水，祝他兩岸青山。
二十四風無恙，一百五日有奇。
已過黃楊小劫，不負翠筍前期。

處士園中幡動，夫人詞下香生。
預借一年甲子，再遲三日清明。
嘉慶八年癸亥時憲書閏二月小十五日

庚辰丑初三刻七分清明

得氣是壽者相。受生在色界天。管領文章烟月。消磨富貴神仙。

王鐵餅索題桐陰課兒第一圖

有子讀書萬事足。不必有書讀盡熟。若教一字不遺忘。直愁他日無書讀。姓字隨記可以休。曹蜩李志皆千秋。談如河間更一適。解亦淵明不甚求。我倡此說無人和。鐵餅老矣兒猶課。讀萬卷書行萬里。巨浪奇文一齊破。不如歸倚舊桐陰。一喉雛鳳滑於琴。但得清風有時至。桐花香壓書中字。

與林海珊同年話舊

漫山桃李渡江萍。失笑來看太白經。十里珠簾何處卷。一袍春草故人青。酸鹹味外詩難好。鼓吹聲中夢易醒。彈指廣寒宮外路。更無一箇見台星。去年同遊平山堂。

群河江上移營去。章杜城南下第回。離別與君疑有約。飄零如我况無才。殘春隔水瓊花老。大夏連雲燕子來。卻怪林逋閒不過。也騎家鶴詠官梅。

修禊後一日與杜洽甫汪經農遊平山堂即送洽甫還吳門

兩漿桃花水。春風撲面酣。品泉來第五。罰酒過初三。遊事催啼鳥。歸期看浴蠶。送君揚子渡。江北望江南。
小住纔三日。閒遊隔一塵。夢猶賦杜牧。送亦有汪倫。鶴市濃催墨。託寄吳門故人書。鷺湖近下鄉。洽甫經農皆秀水人。西窗重翦燭。情話莫嫌頻。

平山堂雜題

歐蘇迢遞接漁洋。中隔元明一瓣香。若使詩翁都入社。不應遺漏孔東塘。三賢祠祀歐蘇兩文忠及王文簡也。當時語云。王阮亭見壁題詩。孔東塘達人分韻。妙品倪黃出自然。殘山賸水亦堪傳。分明界畫樓臺樣。金碧飄零直甚錢。兩岸園亭皆就傾圯。

占星天市隔三台。吹喝園林估販街。搖過城門雙槩澀。相逢狹路小秦淮。小秦淮水潤。

芍藥開時賽牡丹。居人豔指此花欄。豈知身是豐臺客。未必纔從此地看。

吹簫乞食古風存。一笑看囊似少恩。誰寫虹橋修禊卷。故應留待鄭監門。丐者甚夥。殊減遊興。

錦帆何事不思家。真箇垂楊有暮鴉。記得懷中留一刺。譬如來訪玉鉤斜。

戴金谿比部去年於放榜日。枉顧適僕他出。未遇尋南下。經歲實未嘗奉答也。風便附詩自認。

落花聲裏折楊枝。剛是高軒枉過時。春去逢人寬禮數。飢來驅我拙言辭。三生酒熟歌紅豆。孫子潘紅豆

圖題者盈軸。惟比部與余爲七律四首。用韻不約而同。一夜鐙香記蕩絲。所作蕩絲體七言長律。尤爲此

體絕堪。還有揚州二分月。水精簾外更題詩。

紀閏二月二十日事

太史占祥久寂寥。每依北斗紫宮朝。客星夜臥猶書奏。况是青天犬吠堯。清塵敢犯屬車過。百萬神靈一刹那。不是嵇侯承賜姓。東廂誰縛莽何羅。詔書寬大出黃麻。萬戶千門洞一家。此量直包天地外。狂奴何苦學張差。

康山

腰鼓三百副。青山飛酒杯。香銷美人盡。風好狀元來。歌舞逢場戲。文章絕世才。幸然留姓去。橫占此樓臺。

書贈歐陽棣之

百書不如一見面。見又何如不相見。一回相見一鬢眉。惟有此心未嘗變。初逢在矮屋。破板抱春宿。癸丑與同號舍。再見從逆旅。泥塗嘯儔侶。壬戌相遇銅鑪道。中同抵清河逆旅。與王仲翼孫子滿。席子偕。各有詩倡和爲別。今又一年矣。中間相去恰十年。星辰旁落天左旋。老女富梁失昏禮。童子賃廡無炊烟。豆分萍合期未錯。一笑青春好樓閣。予于三更灞岸驢。覩甌南簡揚州鶴。熱亦因人不成事。非由今日徐常侍。試問碧紗籠中人。何如銅爵臺上伎。君不見杜書記康狀元。都來此地相盤桓。洞簫腰鼓不知數。二十四橋三百年。復憶君家六一老居士。登堂平視江南山。與君今日相逢處。正是平山堂外路。

龔開齋儀曹入都補官邂逅於淮南旅次就日來言論所及敘詩五首以常送行

贈言不欲諛。結交不欲密。諛與罵相等。密則疎可必。我行半天下。多得三友益。所遇士大夫。未嘗廢紙筆。立言抑其微。況乃抱吟膝。卽此酬酢間。欲慎豈無術。出處各有時。悲歡適相率。送君旁無人。私自捫一壺。本朝尙考据。其功邁前修。一變爲攻擊。刺刺不肯休。聚如盈庭訟。快如夙世仇。原註無完膚。本文若贅疣。自謂常有得。或更揚其流。分門別水火。入室操戈矛。返諸著書意。未必皆然不。古人疑闕如。無損大雅脩。今茲震於名。違心以搜求。蛩負駑騏喜。蟬捕螳螂愁。不惜豕三渡。忘記貉一邱。周公驕且吝。宜聖閉兩眸。

絳灌非伴侶，鞅鞅淮陰侯。

康成實窮經，溫公兼治史。成敗與利鈍，必有取乎此。班范良史才，輟筆昧厥旨。彼我更相笑，知人不知己。孟堅識子真，蔚宗復謂孟堅。而三人之禍，愈後愈烈。蔡邕博載籍，雪涕報國士。嵇康才有餘，琴聲散東市。目雖不見睫，臂則可使指。所以三長中，惟識足貴耳。士無千載憂，必有一朝恥。恨不讀十年，免於穢穢子。挾策好縱橫，設書誚閭閻。執鞭亦三思，燒丹凡九轉。立之馬廐中，彼自與不淺。得頗未償失，狂乃不如獫。若復議感恩，子雲本連蹇。千金酬一飽，幸後致通顯。潦倒負前期，雖悔不可辨。馬見風而嘶，牛見月而喘。卽事別取舍，因時得舒卷。天池有怪物，志豈異鯢鯢。竿木偶逢場，之子自婉孌。逃禪愛談禪，作一消遣法。語言文字中，佞者非某甲。毀必有所妒，譽必有所估。祇此恆河沙，各具千億劫。寂滅出微妙，狡獪掩窮乏。思議不可存，矧又口喋喋。揚州好明月，寶鏡夜開匣。乘月送扁舟，春江綠如鴨。

題縣津山人詩稿後

詩稿五本，桐鄉馮鶴庭太史所藏。計漫堂草二卷，漁洋尙書朱筆評點，嘯雪集一卷，又漫堂草一卷，漁洋墨筆評點，述鹿軒近詩一卷，漁洋朱筆評點，論畫絕句一卷，漁洋墨筆評點，并跋竹垞檢討墨筆跋青門山人朱筆評并跋章菴草一卷，竹垞墨筆評點，青門朱筆評點，皆有跋語。迎鑾集附滄浪亭近詩一卷，漁洋墨筆評點，清德堂詩一卷，漁洋朱筆評點，卷首列漁洋兩札，計二十番生紙寫。癸亥四月觀并記。

縣津山人詩五卷。漁洋山人書兩簡。長水青門左右之作者。心胸評者眼。當時旗鼓誰相匹。無過朱十一。商邱兼此師友資。況有嘉賓操不律。古人作事慮欲傳。朱出墨入皆精研。眼前肯放一二字。胸次已具三千年。精神意氣相久長。前輩風流後輩藏。不矜酬倡壓元白。但見商賂塗丹青。人間此本無第二。先生得一實具四。若教留配洞庭圖。更須著拓山陰字。太史方買別墅於查灣。忽得王獻為沈南疑所作林屋山居圖。事最巧合。圖中首卽漁洋題句。而縣津竹垞之詩皆在焉。故附及之。借書還書同一癡。昨日讀書今讀詩。卽當明月吹簫夜。如向雷門打鼓時。

梅花嶺弔史閣部

一寸樓臺誰保障。跋扈將軍弄權相。已聞北海收孔融。安取南樓開庾亮。天心所壞人不支。公於此時稱督師。豹皮自可留千載。馬革終難裹一屍。平生酒量浮於海。自到軍門惟飲水。一江鐵鎖不遮欄。十里珠簾盡更改。譬如一局殘棋收。公之生死與劫謀。死卽可見左光斗。生不願作洪承疇。東風吹上梅花嶺。遺蹟幾分明月影。狎客秋聲蟋蟀堂。君王故事胭脂井。中郎去世老兵悲。遷客還家史筆垂。事見漁北偶談。吹簫來唱招魂曲。拂蘚先看墮淚碑。

淮南折柳曲

僕以二月十二日來。今於四月初八日去。江北江南。往還根觸。文衡山詩云。開船聽得吳歌起。絕似閶門送別時。此追憶從前也。李玉谿詩云。何當共翦西窗燭。卻話巴山夜雨時。此逆計未來也。

然往如破甑。來若藏鉤。惟現在境界。又如駒影鴻沙。更無捉摸。忽憶得陳迦陵絕句云。輕紅橋上立。逡巡。淥水微波漸作鱗。手把柳絲無一語。十年春恨細如塵。一再誦之。殆忍俊不禁矣。

已過豆蔻梢。不入芍藥欄。但上梅花嶺。莫近茱萸灣。我薄淮南遊。了了悟三昧。月色苦不多。米價亦太貴。白雲先生術。紫薇舍人詩。癡人說殘夢。名將老偏帥。隋苑水聲多。蜀岡山色少。水不禁閒鷗。山不禁飛鳥。口歌鐵綽板。手弄玉連環。賈胡到輒住。難組往復還。浮海或無桴。渡江猶有楫。暖翠圖中行。輕紅橋上立。已往豈足諫。冰來難預知。一株兩株柳。千條萬條絲。江北又江南。鑿鑿皆可據。花生日而來。佛生日而去。

買舟將去鐵餅復出課兒第二圖索題倚裝書此

再欲題詩一字無。恩恩行李出江都。別君轉恨逢君晚。鬢髮蒼蒼於第一圖。

雨夜宿仲瞿白松閣適子瀟至相與話舊記去年在竟府時人景相同獨少子偏耳作詩懷之

卜居消息渡江船。亦作松堂未了緣。三月烟花過四月。舊年風雨似今年。短簫長缺皆同調。北雪南雲總對眠。可惜美人隔明月。不來同住別離天。

仲瞿屬其內史雲門氏寫留待山居圖圖成索余爲記先題四絕句
華嚴樓閣指輕彈。一例烟雲過眼看。若作四千年後想。買山容易畫山難。
胡盧舊樣餅虛名。兩姓荒莊笑耦耕。留得武陵源一記。花紅水綠太分明。
不畫長眉畫遠山。螺烟粉本互增刪。書生心計佳人手。都在須彌芥子間。

便有柴門傍水開。出園勤澆樹親栽。笑他風雨催租者。不到三都賦裏來。

福出菴舊是尼舍。今爲超上人。方丈易稱辛香夜。與仲輅攜善財過訪。遇雨飯訖。讀上人豔體詩。即事。

色界迷離願海寬。雨聲猶滴舊蒲團。散花劫過三衣冷。食聚人來一樹酸。電火光陰愁路滑。石門文字與禪安。生憎名士招魂地。不放紅霞入夢看。地近唐子是桃花墓田。

還是瀟瀟暮雨香。吳僧白紵唱吳娘。詩無宰相神仙字。禪入郎君弟子行。精潔廚中甘露瀝。妙明燈下緒風涼。不妨帶水拖泥去。要讀天花作道場。

官尹兼憲。同守見題拙集。余返權南湖未遑奉和。頃再泊吳門。相見於白松閣。雨泥遲答。先以兩詩呈謝。

青衫一褶酒闌干。曾聽琵琶信手彈。百代光陰都是客。中年滋味再休官。鄉音到耳停桡問。詩卷關心出袖看。好在松陵酬倡集。不須西笑向長安。

市月扁舟往復行。江湖殘夢棹歌聲。三更舊雨長相憶。一卷南風小太平。尹兼住小太平巷。貧廬人家忘主客。出門天氣礙陰晴。接離肯爲山公著。待我滄浪一濯纓。尹兼惠藤帽。

簡州刺史折獄篇爲宋霽若觀察作

公任簡州時有積案。猾賊不畏嚴刑。以不能得其實事。乃於公案取錦箋十幅。詩韻一部。前列四

役旁侍一童以訊賊事。賊無言。先作絕句二首。再訊之。賊無言。繼作五七律各一首。又訊之。賊無言。乃作短古一首。賊竟無言。更作長七古一首。朗誦不已。遂不復訊。賊時漏已三轉。役倦如醉。童倦如癡。而賊不覺泣下。自言賊不畏嚴。而畏清也。乃具言所事。丹陽陸炳赤南序。

威不必彌尾青。惠不必細箭五十束。人肝不代米。蒲鞭不示辱。圍棋破敵風。鶴驚文字參。禪野狐逐。事在簡州刺史夜治獄。獄亦久不服。刺史登堂來。盡取官紙然官燭。囚跪階。官仰屋。一硯一墨一筆禿。前列四役後一僕。囚意刺史當更厲聲鞠。不爾具三木。甌瓦鋪膝。檀擊足。如是刑罰惟所欲。彼能堅忍。況桎梏。亡何刺史詩興忽大發。十幅錦箋抽一幅。先爲絕句詩。定是偶然作。叶既成五七律。詩律細於法律。酷亦不識。刺史所作何題。曰短歌。未斷長歌續。事在心頭稿在腹。暮然開口吟絲竹。不如肉據案。疾書如判牘。詩成示囚。囚不能讀。爲囚作詩。囚乃大哭。具言其事。所以然。罪莫贖。誓不敢再反覆。刺史呼吏胥。取其所詞。一一錄。囚言畏清不畏嚴。清畏人知。况工吐屬。生不顧包公一笑。黃河五百年。獨喜子路之諾。不信宿官鼓琴琴雞喔喔。以詩詰囚。囚竟伏。借問何所似。有似燭照數計而龜卜。兩旁侍者倦欲眠。猶恨刺史詩不速。唐以詩取士。法吏文選熟。皋陶廣載歌。所問自然淑。身爲宰官身。彈琴尙嫌俗。身爲苦吟身。擊鉢則已覺。何似深宵吟得詩數篇。絕勝長日惟消茶一局。我歌簡州刺史宋。說本珥隣山人陸。輜軒可采。蠻貊可牧。君不見漢朝循吏若干人。第一文翁能化蜀。

題湘灘合稿後卽呈竊若觀察

先生宦境我遊蹤。前後身行萬里同。食詠新詩燒燭竟。恍尋舊路裹糧重。諸賢繼作星如聚。三世論交酒並濃。是日觀察招飲。莫訝悲歌燕趙士。生來吳語自稱僂。

樓夜示仲壘

瓦甍青對竹簾黃。百尺蒼亭萬卷長。簷角月高看較近。樹頭風靜聽尤涼。卜居誰買東西屋。情話難分上下牀。最好常軒種秋色。一層花事兩層香。夢想吳王銷夏灣。浪花開過洞庭山。早從高閣常眠起。何必扁舟竟往還。可笑仙人同此好。不知吾輩幾時閒。爲他亞字闌干影。一帶疏窗未忍關。

樓上看雨作

烏雲接日日含雨。風掃青天雲不許。一鱗一爪雲中龍。雄雷雌雷相爾汝。雷聲不散雨不休。金蛇霍霍西南樓。我倚闌干看瀉水。失笑銷夏如防秋。瓦溝曲折盤銀虬。淫鴉銜烟浴野鷗。滄浪亭子橫看去。四林一綠春油油。今年江東雨太多。壁生苔蘚田生波。豈知糧船泊江北。浪沙乾斷西黃河。北人待米米船退。南人食米嫌米貴。天公作雨無了期。汝曹何不食肉糜。太倉一粒我何疚。努力加餐不滯味。譬如生及鳩皇前。此天未補終須漏。願天移雨雨未雨。天若有情天亦瘦。詩成入夜轉瀟瀟。青燈一點纔如豆。

戲東桐門

來是晴天去雨天。暫時離合也因緣。熟炊飯餽三升夢。溼颺茶鍾七椀烟。出巷泥深難著屐。進城水漲不

通船省門只隔闔門路。費卻先生履襪錢。
看來天氣未能晴。揉坐高樓聽雨聲。沾酒有錢難獨醉。出門無伴可同行。私書魚尾人千里。官鼓牛皮夜五更。忽漫開窗雲似墨。一詩頭上又催成。

田六尺和宋觀察

原詩序云。曾感懷太子妃王進賢。遭石勒亂。掠渡孟津。勒逼之。怒罵不辱。投水死。田六尺。妃之婢也。曰。大既如此。小亦宜然。亦赴水死。人競傳緣珠節矣。顧不及妃與六尺。何不幸也。故表出之。
人生一死無再死。當死而死適然耳。未死之前無死理。既死之後不死矣。嗚呼。生死有如此。何況田六尺。眇子一女子。上東門邊嘯一雛。司馬家兒執戟奴。塵尾不擊賊。著高屐者歸而逋。田六尺。何爲乎。六尺女子。勝七尺丈夫。孟津渡。凡幾曲。賊騎來。婢子哭。一聲河滿雙淚流。婢學夫人萬事足。黃河之水不敢濁。君不見馮小憐。灣頭請上琵琶弦。琵琶彈得春風改。可憐四條弦。不及一條水。

題宋觀察竹梧清嘯圖

書畫詩稱三絕。仙佛儒兼一身。當日尙爲循吏。後來無此才人。
門第三吳最舊。簪裾七葉猶隆。系表盛唐宰相。註經先鄭司農。尊甫司農公著易讀一書。采入欽定四庫全書提要。

此卷是誰所作。竹梧清嘯依然。傾倒一時老宿。想見三河少年。此卷作於觀察年十七時。今甲子一周矣。

圖爲沈歸愚尙書題名翁覃谿學士作跋。凡乾隆以來名流詩詞皆在焉。
屏風寫白太傅團扇畫陸放翁跳出凌烟閣外。如入山陰道中。

梅道人畫竹卷子真蹟爲尹兼題

一直復一曲。不畫梅畫竹。一節復一片。不畫紙畫絹。俗硯一徑清。臨來籜龍夜半驚春雷。低昂向背各有意。蠟穠修短俱無猜。畫工化工互消息。草聖草賢作鉤勒。縱有此畫無此書。縱有此筆無此墨。君今何處得此君。一枝一葉一字真。朝看竹色夜竹影。雨細風斜月華冷。幸不喚軍中十萬夫。被人笑道樊川麗。亦不願渭濱一千畝。依舊清貧饒太守。更不作柯亭十六椽。但得似蕭郎十五竿。黃閣樓上熏香坐。翠袖風前倚醉看。

驛柳四首和韻

兩邊官柳重行行。不解人情解世情。自可折腰傳急遞。幾人留眼送歸程。雪來小雅詩無敵。人去陽關酒有聲。爭似六橋春事早。浪烟慘綠曉鶯迎。
絲無情緒絮無根。尉堠年年渴驥奔。黃土三家茆葉店。青旗一面杏花村。疾看露布差強意。冷聽霜鐘合斷魂。曾向靈和眠起慣。爲誰辛苦忽常門。
消磨帽影與鞭絲。失馬亡羊感路歧。天氣漸逢搖落候。人生強半別離時。僧疑桑下過三宿。客散門前賦十離。賸有屯田歌井水。月殘風曉最相思。

何必金城涕滿衣。腔空槽斷不成團。將軍營外無功坐。思婦樓頭有夢歸。黑卷萬鴉芳樹晚。紅飄一騎荔支稀。不如盡付樵蘇手。省事行人戀落暉。

題常熟閨秀屈宛仙秀才題子梁室白描桃花

瑤臺月淡雪山甜。仙佛能教一味兼。祇有露從天上種。并無粉向鏡中添。吹開一笛樓同倚。補入三閭韻可拈。若昉羅虬花九錫。琉璃硯匣水精簾。

孫子瀟作詩自稱老夫旁有細書改爲詩人則其內史道華夫人筆也

孫郎古詩流。一歲一卷草。初學衛夫人。相應如雙鳥。舉案孟光賢。窺鏡鄒忌好。忽自署老夫。未免傷吟抱。夫人顧颯然。恆言不稱老。舉筆乙其處。去閨留月小。對客呼老子。南樓興已掃。見帝稱寡人。玉女旁絕倒。君鬢尙繁繁。君身亦矯矯。百歲行可僧。三十衰太早。古之作詩者。榮名以爲寶。詩境戒頽唐。詩情除懊惱。彭祖八百年。雉羹斟不飽。衛武九十歲。抑詩偶存稿。太公著陰符。逆旅看天曉。不聞澤門哲。反慕商山皓。惟天可稱翁。惟地可稱媼。自餘人世間。一切髮未燥。吟肩如童山。詩囊卽襤褸。婦言自可聽。轉注唱桃栳。與仲瞿論畫十五首並示雲門。

東坡自謂不學書。苟通其意曉莫如。我用此法論作畫。亦悅親戚之情話。君今靜坐且勿喧。傾囊倒篋吾能言。

流水無聲山不綠。揀搗模糊成一幅。謬云做米慘經營。從此畫裏無天晴。請公勿復勞思慮。磨墨三升橫。